



A Concellería de Promoción Empresarial, Emprego e Comercio de Nigrán informa que ten aberto dende o día 1 de setembro o prazo de inscrición nos cursos incluídos dentro do Programa Actívate en colaboración coa Deputación de Pontevedra, non que ofrece a mozos e mozas de entre 16 e 35 anos (ambos inclusive) a posibilidade de participar en accións formativas que se desenvolverán no Centro Antena de Nigrán cunha duración de 40 horas cada unha, en horario de mañá.

Este ano o concello impartirá os cursos de "Coidados básicos para persoas maiores" e "Técnicas de aseo e hixiene á persoa dependente" nos que ademais de recibir formación técnica no campo do servizo ás persoas, os alumnos participarán nun obradoiro sobre aspectos básicos para a busca de emprego, talles como as habilidades sociais para a inserción, a elaboración do CV e orientación laboral.

As persoas interesadas deberán cubrir un impreso de inscrición oficial, que estará a súa disposición nas dependencias municipais e presentalo no Rexistro Xeral do concello, ata o día 20 de setembro, data na que se pechará o prazo de inscrición e remitiranse todas as solicitudes recibidas á Deputación de Pontevedra.